

BOMBARDAMANT

TANGER HA MOGADOR,

Gant an A. Prinç a JOINVIL.

HA

VICTOR ISLY,

Gounezet gant ar Marichal BUGEAUD.

VAR AR MAROQUINET.

Var ton Potret Loguivy.

CANOMP, Breizis, gant joa güirion,
Eus a greiz hor c'halon,
Triumph hon armou
Var hon adversourien,
A bae o c'hrimou
Evel güir draïtourien.

Impalaër ar Maroqinet,
Abd-er-Rahman hanvet,
Leun a draïtourach
Enep ar Gristenien,
A deu gant arrach
D'attaq' ar Francisien.

Mes hor Prinç vaillant a JOINVIL,
Harros meurbet habil,
Gant e escadren,
Hep van ouz nep danger,
En em rent souden.
D'assieji Tanger.

Ractal e laqa bombardi
Ar guær-ze enemi,
Hac hor c'hanonniou,
Carguet oll a vindraill,
A vrêv ar fortchou,
O distruch hac o draill.

Diouc'h-tu m'en deus o fulluc'het,
Hac ar guær soumettet,
E parti qerqent
Da glasq c'hoas gloar, enor,
Ha prest en em rent
Dirac kær Mogador.

Ar Prinç vaillant neuze ractal
A gommand ar signal :
Qerqent eur gurun
Obuzou, bouliji
Ar fort a vruzun ;
Na ell rezista mui.



A uz Mogador na velet
Nemet eur boul moguet.
An tân en fulor
A zistruch, a ravach :
Eur spont, eun horrol
Voa güelet ar c'harnach,

Abd-er-Rahman , te , den impi ,
Zo caus d'an arvest cri ;
Te deu da c'hervel
Varnoud ar maleuriou ;
Eus eur seurt brezel
Eo victim da bobliou.

Ar Prinç a voa atao placet
E penn e zoudardet ,
Ouz o excita ,
Dre ar brassa vaillanç ,
Da zont da flastra
Adversourien ar Franç.

Pavillon ar Franç gant enor
A flot var Mogador.
Hon adversourien
O deus anavezet
E zoamp trec'hourien ,
Hac int en em rentet.

Enor ha gloar ra vo rentet
D'hor Prinç meurbet caret ,
Pini n'em expos
Dre ar gourach vrassa ,
Hep qemer repos ,
D'an dangeriou goassa.

Ar Roue , vel un tad tener ,
A scrif prest d'e Vab qer ,
O tont d'er meuli ,
Hac e oll equipach ,
En em sacrifi
Dre ar brassa courach.

Evel Tad mad ha güir Gristen ,
Ec'h adress e beden
 Da Vestr an êvou ,
Da veza preservet
 En oll dangeriou
Ar Prinç , e Vab caret.

Ne gav qet ar Maroqinet
Int bet avoalc'h frottet :
 Attaq' reont c'hoas
Hon arme a Alger ;
 Mes bras vo o gloas
Abars nebeut amzer.

Dont a reont d'hon attaqi
Er blenen a Isly.
 Daou-uguent mil den
O d'oa en o arme ;
 Hon eiz mil hepquen
Zo trec'hourien varne.

Ar Marichal Bugeaud neuze ,
Er penn eus e arme ,
 Leun eus a gourach ,
E guis güir Francisien ,
 A güez gant arrach
Var hon adversourien.

Chadennou a voa preparet
Gant ar Maroqinet ,
 Leun a arrogañç ,
D'erren ar Francisien ;
 Mes daoust d'o bombañç ,
Int dispennet souden.

Eur gourach ar vrassa meurbet
Voa en hor zoudardet :
« Trec'hel pe mervet »
Voa o divis hepquen :
Vel eur bar avel
Dre oll int trec'hourien.

Arme vras an enemiet
A zo oll distrujet.
Nombr a zrapoyou ,
A dantennou ive
Ha niver a draou
Zo dilezet gante.

Bataill Isly vo anaveet
Dre bévar c'horn ar bed
Vel güir desteni
Eus ar brassa vaillanç
Var an enemii
A rouantelez Franç.

An Impalaër Abd-er-Rahman ,
O velet n'elle mann ,
En deus goulennet
Ar peoc'h digant ar Franç ,
Hac eo accordet ,
Dre c'hraç ar Brovidanç.

Ar Roue en deveus ractal
Scrifet d'ar Marichal ,
D'e drugarecât ,
Hac an oll zoudardet ,
Ma zint bet trec'h mat
Var an enemiet.

Demeus an niver harroset
Zo en em distinguet
Er vataill vras-mà ,
Etouez ar Francisien ,
Ne hanvin amà
Nemet unnec hepquen .

La Moricier , Bedeau , Guyon ,
Epivent , ha Courson ,
Cissey , Trochu ,
Ducrest ha Martigny ,
Oll potret diouc'h-tu ,
Ar Bèg coulz hac Hardy .

Gloar ive deoc'h , soudardet mat ,
Atao trec'h er gombat :
Soutenit bepret ,
Dre ho prassa vaillanç ,
Enor ha respet
Ar pavillon a Franç .

Ar victor n'elle mancout deomp ,
Rac Doue voa ganeomp ;
E Vam binniguet ,
Carguet a vadelez ,
Atao a zo bet
D'ar Franç Protectourez .

Drapoyou Tanger , Mogador ,
Testou eus hon enor ,
Re Isly ive ,
Digasset da Baris ,
Zo placet ene
Vel d'hon triumph ar pris .

Canonniou an Invalidet
O devez bet tennet
D'annonç ar c'hélou
D'ar Barisianet,
Pere o zelaou
Gant eur joa vras meurbet.

Demeus a fonç hor c'halonou
Rentomp hirio graçou
D'hor Mestr souverén,
Hon Tad, hon esperanç,
A rent trec'hourien
Soudardet vaillant Franç.



Bataill Isly e devez bet lec'h ar 14 eus a vis eost;
bombardamant Mogador, ar 15, deiz Gouel ar Verc'hez;
hac e zeo en nosvez ar 14 d'ar 15, etre an diou victor-ze,
e devez ar Brinces a Joinvil laqet ur Brinces yaouanq
er bed.

An A. Prinç a Joinvil en devez eta souhetet eur
Gouel mad d'ar Rouanez, e vam, en eur fêçon meur-
bet gloriüs.

An A. abat Coquereau, chaloni enorus a Guemper,
pehini a voa bet gant an A. Prinç a Joinvil e Santez
Helena, o qerc'hat relegou Napoleon, en deus grêt sevel
eur chapel, gant pep seurt pavillonou, hac un auter er
c'hreiz, ouz traòn güern vras lestr ar *Suffren*, hac al-
lumi oll fanalliou ar vatimant. Ar zoudardet a voa oll
dindan an armou. An equipach en antier, reizet var ar
pont, ha detachamantchou demeus al lestri all eus an
escadren.

. Ar Prinç, en e gaëra uniform, evel en deiz ar gombat, hac e oll officerien, a voa presant. Al lestr ne deo mui eur vatimant : un templ eo consecret da Zoue. Ministr hor Zalver misericordius a bign d'an auter, hac an oll a zo en em brosternet en hano an Himi a zo en em sacrificet evit an oll.

Neuze an aumônier a gân ur zervich vras evit ar re o deus collet o buez evit o mam-bro.

Un devotidn an touchanta a rene eno ; ur silanç vras a zalc'het : ne zoat occupet nemet da bedi evit hor breudeur maro er c'hamp a enor.

Impossibl e vez rêi da zantout an effet e deveus produet ar ceremoni zantel-ze, dreist oll er moment solanel e pehini an equipach antier, an amiral, an officerien, ar vartolodet ha soudardet stouet dirac an Hosti sacr savet gant ar béleg a uz an oll, epad ma voa ar zoudardet daoulinet, ma presentent an armou, ma teue sionlic ar goaguennou môr da sqêl ouz costeziou al lestr, gant an drous eus an tambourinou o sqei d'ar c'hamp ; se hepquen a drouble majeste ar silanç vras a rene etouëz an oll asistantet. Ar galon hepquen a ell compren qementse, mes ar bluen ne ell qet dont d'e scrifa.



E Montroulez, eus a Imprimeri LEDAN, e traon ru ar Vur.